

Na osnovu člana 4. stav 1. alineja 2. Zakona o Fondu za zaštitu okoliša Federacije Bosne i Hercegovine („Službene novine Federacije BiH“ broj: 33/03), člana 7. stav 1. tačka 2. Statuta Fonda za zaštitu okoliša Federacije Bosne i Hercegovine („Službene novine Federacije BiH“ br: 33/06, 1/15 i 62/15), a u skladu sa tačkom 2. člana 4. Pravilnika Fonda za zaštitu okoliša Federacije Bosne i Hercegovine o međunarodnim projektima po ugovorima/sporazumima sa međunarodnim partnerima br. UO-01-3-8-21-2/2018 od 13.12.2018. godine i Odlukom Upravnog odbora Fonda za zaštitu okoliša Federacije Bosne i Hercegovine o uključivanju Fonda za zaštitu okoliša Federacije Bosne i Hercegovine u Program razvojne saradnje Republike Češke u BiH za period 2020-2022 broj: UO-01-3-3-29-2/2020 od 25.02.2020. godine, Fond za zaštitu okoliša Federacije Bosne i Hercegovine objavljuje:

P O Z I V

za izražavanje interesa za dostavu projektnih prijedloga u svrhu učešća u Programu razvojne saradnje Republike Češke u BiH u partnerstvu sa Fondom za zaštitu okoliša Federacije BiH

Bosna i Hercegovina svrstana je među dugoročne prioritete Republike Češke i u skladu s time uključena je u [Strategiju razvojne saradnje Republike Češke 2018-2023](#).

[Program razvojne saradnje Republike Češke i BiH za period 2018-2023](#), dio je Strategije razvojne saradnje Republike Češke 2018-2030., i odgovarajuća je kombinacija definisanih razvojnih potreba BiH i oblasti u kojima Republika Češka može ponuditi svoju dodatnu vrijednost, tehničku ekspertizu i specifična iskustva.

U skladu sa Memorandumom o razumijevanju, potpisanim 02.10.2019. godine između Češke razvojne agencije (CzDA) i Fonda za zaštitu okoliša Federacije BiH, koji uređuje pitanja razvijanja i jačanja saradnje u oblastima očuvanja, održivog korištenja, zaštite i unapređenja uslova okoliša i korištenja obnovljivih izvora energije, strane potpisnice su se usaglasile da će zajednički sarađivati na aktivnostima iz oblasti planiranja i sufinansiranja pripreme, provedbe i razvoja prioriternih projekata i programa zaštite okoliša na području Federacije BiH, a koji se odnose na objekte i prirodne resurse od zajedničkog interesa, te koji direktno ili indirektno utiču na okoliš.

Cilj predmetnog poziva za izražavanje interesa jeste prikupljanje projektnih prijedloga, i to u okviru prioriternih sektora Programa razvojne saradnje Republike Češke u Bosni i Hercegovini:

- **Održivo upravljanje prirodnim resursima**

- Unapređenje zaštite izvorišta voda, kvalitete voda i pristupa kvalitetnoj pitkoj vodi, uklanjanje onečišćenja i unapređenje upravljanja otpadnim vodama

U ovoj oblasti cilj je pomoći u usklađivanju sistema za prečišćavanja otpadnih voda sa standardima EU. To će obuhvatiti izgradnju infrastrukture i prijenos znanja krajnjim korisnicima projekata, uzimajući u obzir načela dostupnosti, povrat troškova u cjelosti i operativnu učinkovitost.

- **Ekonomski rast**

- Povećanje udjela proizvodnje energije iz obnovljivih izvora u područjima s optimalnim uvjetima

U ovoj oblasti cilj je podržati proizvodnju energije iz obnovljivih izvora i neovisnost u energetici. To će obuhvatiti podršku projektima održivih i pristupačnih izvora energije

(izgradnja sistema za grijanje na biomasu, postavljanje solarnih kolektora za grijanje vode, fotonaponskih ploča, geotermalnih energetskih sistema.

Opći uslovi i informacije o Pozivu za izražavanje interesa:

- Prednost imaju veći i kompleksniji projekti. Okvirna **ukupna procijenjena vrijednost projekta** treba biti između 1.2 mil. EUR – 2 mil. EUR (uključuje eventualno potrebne aktivnosti na izradi/kompletiranju projektno-tehničke dokumentacije, izvođenje građevinskih radova i nabavku opreme)
- Projekti su primarno usmjereni na **uvođenje novih tehnologija, isporuku i instaliranje opreme, s ciljem prijenosa tehničkih know-how znanja i iskustava, te iskustava sa procesom ekonomske tranzicije Republike Češke** (npr. izgradnja uređaja za prečišćavanje otpadnih voda, uređaja za prečišćavanje pitkih voda i sl.)
- Aplikant (Grad/Općina/JKP) mora imati već pripremljenu studiju izvodljivosti ili detaljan projekat, koji će po zahtjevu dostaviti Fondu za zaštitu okoliša Federacije BiH
- Planirani period realizacije projekta: 2020 – 2023. godina
- CzDA će zajedno sa Fondom za zaštitu okoliša Federacije BiH vršiti identifikaciju projekata na osnovu dostavljenih projektnih prijedloga, odnosno zajednički razmatrati finansiranje i realizaciju projekata, i to za:
 - 2020. godinu (za projekte u kojima su isporuka i instaliranje opreme predviđeni u prvoj godini implementacije projekta, a popratne aktivnosti planirane za realizaciju u narednoj fazi projekta) i
 - 2022. godinu (za veće i kompleksnije projekte gdje se neophodno izvođenje radova planira realizirati u 2021. godini)
- Češka vlada osigurava sufinansiranje u iznosu od max 70% vrijednosti prijavljenog projekta
- Podnosilac projektnog prijedloga (implementator projekta) treba osigurati sufinansiranje i to za dio projekta koji se odnosi na izvođenje radova, a koji se ne može finansirati sredstvima CzDA.
- Sufinansiranje treba biti osigurano u minimalnom iznosu od 30% u odnosu na ukupnu vrijednost prijavljenog projekta, a što uključuje:
 - osigurano vlastito ulaganje
 - sredstva obezbjeđena od strane drugih finansijskih partnera i/ili
 - sredstva koja će biti predmetom potraživanja prema drugim finansijskim partnerima i/ili Fondu za zaštitu okoliša FBiH
- Projektne prijedloge mogu dostaviti institucije / organi uprave i lokalne samouprave i privredni subjekti iz Federacije BiH
- Bez kompletne dokumentacije (detaljno popunjen obrazac) projektni prijedlog neće biti razmatran.

Pozivaju sve svi zainteresirani subjekti da iskažu svoj interes za učešće u Programu u roku od 30 dana od dana objavljivanja Poziva.

Sve prijave slati isključivo elektronski na e-mail adresu:

info@fzofbih.org.ba

Nakon prijema i provjere projektnih prijedloga, CzDA imenovat će članove ocjenjivačkog odbora, koji će u saradnji sa Fondom za zaštitom okoliša Federacije BiH vršiti identifikaciju projekata u skladu sa:

- [CzDA Metodologijom Oficijelne razvojne saradnje Češke Republike](#), te
- Odredbama [„Pravilnika o međunarodnim projektima po ugovorima/sporazumima sa međunarodnim partnerima“](#) i drugim važećim propisima Fonda.

Dalja saradnja, postupci za dodjelu sredstava i definiranje uloga u sufinansiranju i realizaciji odabranih projekata, bit će predmetom posebnog pravnog dokumenta između Fonda i CzDA, te ostalih učesnika (partnera) u projektima, pojedinačno.

Prilozi:



Obrazac prijave projektnog prijedloga